



Aqqalu C.Jerimiassen
Atassut

UPA 2023/56 - 1
2. maj 2023

Kalaallit Nunaanni Naalakkersuisunit taperserneqarnissaa pillugu Inatsisartut aalajangiiffisassaattut siunnersuut: Uunga siunnersuut Nunani allamiut pillugit inatsimmik allannguineq pillugu inatsisinik assiginngitsunik aamma Schengenimi isumaqatigiissutip Danmarkimit ilannguffigineqarnera pillugu inatsimmik allannguineq pillugu inatsisinik assiginngitsunik Kalaalit Nunaannut atuutilersitsineq pillugu peqqussut

(Isumaginninnermut, Suliffeqarnermut Nunamullu Namminermut Naalakkersuisoqarfik)

Naalakkersuisut Schengen-imi isumaqatigiissutip nutarteriffigineqarnerannut nalimmassaaso-qarnissaanut saqqummiussaqarnerinut Atassummiit qutsavigerusuppagut.

Schengen-imi isumaqatigiissut 1985-imi atsioqatigiissutigineqartoq taamanikkut nunanit tallimanit, 1995-imilu atuutilersinneqartoq, killeqarfiiit akimorlugit angallannikkut oqilisaassinerlik siunertaqtuuusoq akuuffiginera arlalitsigut pitsasortaqaqaaq.

Naak uagut nunatsinni savalimmiunilu Schengen-ip sumiiffiata avataaniikkaluarluta, EU-miittut nunat allat imarpik ikaarlugu qeqertanik allanik ilagisaqartut assingalugit inissisimanitsinni, angalassatilluta killeqarfinnut killtsilluta immikkut misissuiffigineqartariaqannginnitta ingerlaannarnissaa iluaqtitaqaqaaq oqilisaataalluarlunilu.

Inatsisinik allannguisoqarnerani naalakkersuisut kaammaatorusunnarput, maanna taamannak killeqarfiiit akimorlugit “killeqanngiusattumik” angalasinnaanitsinni eqqummaariffigisaqalaassasut. Tassami ilaatigut maanna takuneqartarmat, qallunaat nunaannut tikinnermi isumannaallisaa-vikkooqqaartitaasarneq, naak naalagaaffeqatigiit akornganni angalanerinnaanga-luertoq.

Nakkutilliinermi Kangerlussuarmi aallalernermi tamarmi isumagineqareertartoq, sooq marloqiusamik tamanna pineqartassua, Kastrup-imut tikinnermi allaat misissugaaqqilluni?

Taamatut naatsukullamik Atassummiit oqaaseqaateqarluta, siunnersuut ilusaatut isikkoqartillugu akueraarput.